

定山堂詩集

定山堂詩集卷十二

五言律詩八 一百廿三首

初返白門王藉茅方伯許菊谿憲長招飲出
止鑿堂五日詩見示補和 二首

七夕和于皇

過辟疆寓次韻

王玉式招同孫魯山司馬集背維堂用杜韻

四首

登高座彈指閣 二首

菊谿招同諸子集紫苔山房

四首

姜綺季水閣用少陵水檻遣心韻

二首

吳詠亭偶集

三首

重九前一日再集綺季水閣用少陵九日諸

人集于林韻同于皇稼公澹心子久家弟

孝緒同賦

二首

飲歸見月

兩阻不克登雞籠山却簡于臯

重陽招諸子登雨花臺晚集小齋限韻

四首

九月十五夜同諸子泛月秦淮

二首

觀劇偶感同于皇作

江天閣觀雪九書燕磯送別圖

書張修我扇

登燕子磯

十七夜集巖下值雨

送綺季和子翥韻

界首兵過水關停舟和韻

二首

清江浦留別于皇

二首

瓜步蔣前民子延昆仲枉送公路浦

與諸子別干浦上

留別前民

二首

仲冬十七日長至爲予始降舟泊陸家墩

四首

秋夜集筑影齋分韻

二首

送吳錦雯司李蘇州

二首

送燕友通叅假歸

八首

九日集興誠寺用重陽登高四韻

答韓子叔夜兼懷其邑中故人

友沂綺季飲中限韻

元日試筆四首

正月六日伯紫友沂過集二一首

立春前二日談長益紀伯紫姜綺季趙友沂

陳子壽同鮑子雲夜集二一首

送嚴顥亭都諫假歸虎林八一首

石仲生學士招同沈仲連登城西寺閣看西

山積雪四一首

謝子爾玄招同諸君集寓樓分春歸二韻

初夏吳江公齋中藤花大開招同諸子讌集

送王農山侍御歸養和朱蒿菴韻

十首

南士再蒙覆按 恩允與試南宮爲何次德

諸君喜而紀事

四首

過訪周茂三不值

三首

雨後聖秋約至慈仁寺同次德夜集

二首

魏石生總憲枉過小齋有作賦答三首

偶感和吳園次韻

二首

送陳子壽自中州返虞山和張司空韻

二首

寄題閩山彭眷西草堂二首

和吳玉駟給諫九日慈仁二韻

和許有介破被詩二首

又和櫟園二首

定山堂詩集卷十二

姪嘉禧

淮南龔鼎孳孝升著

男士慎全較

弟鼎璠孝積訂

士稚

順治丙申使粵迄
康熙辛丑邸舍稿

五言律詩八

初返白門王藉茅方伯許菊谿憲長招飲出

止鑿堂五日詩見示補和二首

花徑開清夜涼飈延賞心遙憐五日酒客坐一簾

深柳暗青溪月江空玉笛音醉餘愛山簡重理習
池吟

其二

烟水連吳苑風流此更深詞人尊月旦勝賞續山
陰香艸仍天間金門舊陸沈飄蓬塵夢後松鶴倚
孤吟

七夕和于皇

蕭蕭梧竹下向客許班荆過夕秋應好看星老自
驚烏棲楊柳暗鵲傷板橋明惆悵金風後庭花曲

未成

過

不謂狂塗者相憐病亦齊
生涯仍虎兕江閣自蟲
雞日漸臺城下人猶古渡西
過逢重有約深月伴
鴉栖

王玉式招同孫魯山司馬集背雒堂用杜韻

四首

乍諧雲外賞難滅袖中書
舊雨涼開徑青山老結
廬近秋應數雁避世決
焚魚轉憶荆高市狂歌慰

定山堂詩集

五言律詩

卷十一

索居

其二

檐花含霧溼檻燭傍風移甲子陶徵士登臨謝客
兒不逢南郭隱誰守東岡陂一醉此埋照乾坤入
短籬

其三

誰信流金候披襟亦有時夏雲知變態茅屋可新
詩雜坐疎亭榭深樽緩鬢絲蕭蕭琴帙外山水卽
鍾期

其四

瑯琊情不極，誰喚奈何年。
香欲移歌扇，封真得酒泉。
柳枝何裊裊，蓮葉正田田。
醉尉嗔休問，衝泥興灑然。

登高座彈指閣

但惜芒屨晚，山扉盡日開。
蒼林寒白晝，秋雨落空臺。
木末此樵徑，昆明應劫灰。
道人清省極，烟磬莫深催。

其二

古寺立深翠夕陽山已微行杯蓮社急埋照竹林
稀雨歇看松冷城高如鳥歸秋陰筇杖熟得暇卽
巖扉

菊谿招同諸子集紫苔山房

共攜巖壑意人外聚清秋城闕看迴鴈江湖感縱
鷗漏憐今夕短歡悟此生浮似有南樓月天因野
屐畱

其二

色侵書幌潤過雨長青苔高館秋真到朱絃醉更

開燭花涼倚檻風葉亂行杯萬事寬浮白深憑玉
笛催

其三

暫逢官事歇瀟灑卽名山雪淨行厨出鴻輕岸幘
還清齋先客飽名酒眷吾閒不惜招邀屢林花動
別顏

其四

生涯惟藥物節序近萸房老至青山狎星前白苧
長乾坤今隱几眷嫵舊薰香

許先官
京兆

一笑春雲駐

吾徒飽雪霜

姜綺季水閣用少陵水檻遣心韻

入門秋色到山受夕陽
賒風細臨河柳紅輕
隔幔花野烟當渡曲殘堞
補樓斜翻愛黃昏近清
砧動萬家

其二

紅板橋頭路秋星已放晴
坐因涼夜密天入酒人
清鼓角餘流水歌呼隱
盛名啼鳥更漏促莫負
燭華生

吳詠亭偶集

下牀幽客至同命竹間觴濁酒香殘墨孤亭早夕
陽徑容花斷續秋逼夜蒼茫只此堪埋照吾生飽
雪霜

其二

林中人雜坐興適已忘餐落葉平侵磴疎星一倚
闌陰晴秋盡好鼓角晚同寒却怪灑西老乾坤此
地看

其三

閉戶亦登涉高秋數客知樓臺燈漸吐梧柳露交
垂暮色千山到砧聲一鴈遲生涯兼醉濁爲緩鬢
毛衰

重九前一日再集綺季水閣用少陵九日諸
人集于林韻同于皇稼公澹心子父家弟

孝緒同賦

九日明朝是陰晴卜屢非安能古臺上各帶秋星
歸水檻晚仍坐好山青復微快遊險亦足沾濕還
寒衣

其二

九日明朝是，啣杯萬事非。且留齋日酒，爛醉菊花
歸。煨芋香真滿，持螯計不微。高城看秋色，先上薜
蘿衣。

飲歸見月

石橋泥正滑，烟水動秋陰。乍吐三更月，應憐九日
心。梧桐吟露碧，蟋蟀傍燈深。好理新晴屐，山山落
葉侵。

兩阻不克登雞籠山却簡于皇

深雨迴孤轍真虛一日秋何山落葉下入暮片鴻
愁囊屢傾霜懈天應妒野鳥選期風日霽攜杖最
高頭

重陽招諸子登雨花臺晚集小齋限韻四首
路入霜林細江涵野色重秋真晴碧草身忽俯長
松舊國砧偏急深樽鴈一逢長干烟霧裏風葉到
疎鐘

其二

萬山青酒幔一半入殘陽帆外愁長路花前得故

鄉烟波天浩浩陵闕晚蒼蒼
漸覺林楓變高城已薄霜

其三

落日催歸屐歡場試更登
酒香霑玉笛秋色好金陵
楊柳微藏月星河欲亂燈
向來蕭瑟意歌舞尚堪憑

其四

上下牀休問醉中湖海高
百年今野屬萬事只芳醪
搗鼓迴風日張羅慎羽毛
不知秋爛熳幾客到

蘅臯

九月十五夜同諸子泛月秦淮

明月照高樓誰家枕簟秋江鴻低倚笛岸柳動迴
舟世事仍簧口兵聲又石頭終憐桃葉路銷盡酒
人愁

其二

再有清歌發銅街露已寒莫教秋漏歇長恐菊花
乾對月心真滿當風曲自難不知燈火外簾幙幾
人看

觀劇偶感同于皇作

乾坤同白首涕淚且深杯
歡入笙簫變晴看雨雪
來盤渦天一折裂石鼓三催
痛久疑忘味心傷諫
菓回

江天閣觀姜九畫燕磯送別圖

涉險窮幽賞崖懸磴道深受風
纖葉亂過午大江
陰迫促生能事艱難感故林
素交分手地并入鴈
行心

書張修我扇

江邊烏柏樹的的向霜明落日此同坐寒潮平不
行登臨寬鬢色離合入簫聲莫度關山曲天涯獨
夜情

登燕子磯

山澤幾同游乾坤已白頭憑高先恐淚入雒想迴
舟歌管催殘日霜楓駐晚秋石城潮漸落肯爲客
銷愁

十七夜集巖下值雨

改席亭臯後瑤箏倚石幢病夫真欲別圓月豈能

雙壁斷分寒雨燈斜恐暮江轉持尊酒意勸客坐
篷窗

送繡季和子燕韻

離筵兼送別懷抱况秋冬鶯散花谿雨

繡季春
寓秦淮

鴻低石路松翻因辭水檻不恨隔江峯他日荆烏
飲狂夫興未慵

界首兵遞水關停舟和韻

湖滾陰風黑蒼茫萬甲前人聲殘浪續客夢老兵
牽氣勁霜先滿燈寒酸只偏乾坤餘戰伐端爲警

定山堂詩集

五言律詩
九

卷十一

安眠

其二

關河浮一葉金鐵響三更愁總長
殘夜翫翻定遠征捲沙饑鶻叫
射火圍蛟明海戍歸應早傳來
雲布聲

清江浦留別于皇

野水翻星急舟懸荻戶旁宵寒偏罷酒
夢近欲連林戍鼓嚴三箭風燈觸四方
轉憐秋草綠北邙路非長

其二

酒香兵更遠，真自戀江湖。
星外鴻高下，霜中月有無。
分攜催落葉，飄泊對棲烏。
且復斯須立，關山從此孤。

瓜步蔣前民子延昆仲枉送公路浦

人才潘騎省，未覺二毛生。
琴帙懸三徑，金焦夾一城。
江帆當祖道，詩法問難兄。
却羨還家路，樽前月倍明。

與諸子別于浦上

片舸人南北神傷罷酒言寒更催別短急浪攪愁
繁客散知長路水遲仗晚暄橋西他夜月留夢薜
蘿園

留別前民

愛汝瓜洲舫尋詩到石頭殘書遮破壁急酒送深
秋燭短孤鴻過河長醉眼收他時思此夕還上隔
江樓

其二

一燈江濼滾滾佳句法難傳飛動關凭檻乾坤入扣

舷南徐青未了西閣客相憐

謂于皇

目斷廻舟後征

歌起暮天

仲冬十七日長至爲予始降舟泊陸家墩

月滿濃霜候風微野戍波酒杯兒女共歌管燭花
多勸隱先荆布裁書報薜蘿遙知回棹客此夜憶
黃河

其二

他夕錢塘路寒星對轉蓬

去年以是日發舟錢江

此行偏

雪吾道只征鴻老讓勲名薄聞知歲月工年年茅

定口竺詩集

五言律詩

卷十二

屋下燈火一樽紅

其三

玉瑄陽回日因風望紫宸江湖懸夢遠雨雪促裝
貧前席慚 仁主還山仗大臣吾生衰白早無計
緩垂綸

其四

舊有探梅約舟懸一水香最憐沙磧雁先試寺門
霜白首同幽磬青山各草堂終攜襆被去步屨萬
峰長

秋夜集筑影齋分韻

夜過中秋永人同旅雁逢新涼
衣袂稱衰興引杯
濃葉亂蟲邊雨燈斜醉後鐘
莫令車馬客輕破紫
苔封

其二

隔歲烟霞地提壺日就花
九秋同步屨雙鬢忽涼
華客事關砧杵狂吟送鼓笳
那堪風柳外重見玉

珂斜

時周量贈
上將歸

送吳錦雯司李蘇州

兩峰高插漢執轡望龍門法耀臨吳大詞名試吏
尊俊厨行部有遺逸幾山存拔藎清霜後春風長
杜蓀

其二

昔聞于曼倩啓戸待高車活國仁賢事回天夏楚
餘繭絲防竭澤江海仗寧居他日趨丹禁還陳太
息書

送燕友通叅假歸

得縱歸飛翼無言世路難黃河秋正濶碧草露應

傳勲業先鰈菜風波穩釣竿入舟塵夢息枕簟這
新寒

其二

萬里停帆後過逢暖雀羅鄉書燒燭共春甕就花
多促膝談珠桂同心眷薜蘿雲中黃鵠遠獨客柰
愁何

其三

當日花驄出親看行步工千尋蒼柏上一柱亂流
中霜洗魚龍窟天高鷺鷥風單車驅十道誰與鮑

宣同

其四

國論甘陵盛，浮雲過奕棋。
眼看南部盡，計悔北山遲。
聚散飛蓬老，艱難碩果知。
還持明月佩，珍重慰將離。

其五

弩矢前驅日，秋風里社深。
衣冠榮上冢，君以選葬行雞黍洽投林。
舊徑蓬蒿長，藏書歲月侵。
桂叢南去雁，端識倦游心。

其六

計日青霞路層層展齒收石坪金管月香嶼蕪花
舟春入三吳麗歡經百戰留鳴珂諸貴客不妬謝
公游

其七

耆舊仍今代賓朋各五湖相過尊鱸夕應念藥囊
孤猛虎休悲憤黃鸝足醉呼年來鈎黨禁漸恐到
菰蘆

其八

劍履還朝日吾衰已返耕 帝真思赤舄身竟許
蒼生雪霰銷調鼎春脯及罷兵清流相慶日分色
報柴荆

九日集興誠寺用重陽登高四韻

地僻秋光入沙明野屨重到來過急雨迴立送踈
鐘菊蘂寒初放山雲落故濃醉吟休倚樹盤攫有
蒼龍

其二

雜坐侵黃葉高城受夕陽杯行浮蟻嫩天逐去鴉

長霜杵連韋曲秋星出建章
按罷從劍者幽客肆
吾狂

其三

燭燄斜寒漏蘿階暗更登衣涼
親佛火露重偃風
藤歲月移吹角關山急按鷹病
多成老嫗游興一
飛騰

其四

碧月井欄滿石牀風笛高聞歌傷
白髮作計穩雙
螯倦欲眠鷗喚閒都似馬曹
時余守同簿
萬行蒼翠爽

南望足林臯

答韓子叔夜兼懷其邑中故人

蕭寺寒沙路偏怪把臂遊萬山殘葉下霜角古城
秋剪燭謀良夜因風憶短裘還期同望遠天畔一
登樓

友沂綺季飲中限韻

老合栖烟嶠閒猶問水筒江山吾黨健燈燭此宵
同日落重留醉天高一送窮蓬門藜屨外過酒茗
花風

元日試筆四首

宮樹融寒淺城鴉拂曙深趨朝存宦跡
鶴鳴天
天心鷓鴣班仍隔龍蛇道易沈三年箸笏外
懶全侵

其二

高枕賓朋失空囊歲月過春風重爛熳老興已
娑物外推枰易花前隱几多轉防君輩覺分忌
門羅

其三

椒花頌酒生菜足行厨剪燭同親串埋名避狗
屠經牀幽鳥下晴牖晚峰孤萬事隨眠食愚公漸
不愚

其四

褊心都已盡浮世任相看頑鈍藏龍性飛揚問鶻
冠五湖春自濶三事態殊難早寄羣鷗語恩波屬
釣竿

正月六日伯紫友沂過集

剗門人據榻喜並玉驄來燈火空檐出烟霜夜色

開瓦盆寒乍暖庭雀下還猜春事關雙鬢能禁
醉回

其二

勿問銅街鼓乾坤對酒中蓬蒿惟二仲水獮有三
公春許卑棲得貧當醉臥工長楸花在眼日日錦
鷗同

立春前二日談長益紀伯紫姜綺季趙友沂
陳子壽同鮑子雲夜集

雪晴車馬出蓬戶更何人客破藜牀夢杯偷竹葉

春栖烏喧落月花事闌閒身爲憶青溪上風光一
倍新

其二

王正已十日春尚滯今年節逼傳柑夕心飛折柳
前有客將別啼鶯知閨歲連騎且風烟但醉消頭白無
憂貰酒錢

送嚴顥亭都諫假歸虎林

君到西湖日長堤柳已花十年吾夢寐千嶂翠橫
斜鶯老仍啼竹鷗輕故戲沙舊時青雀舫乘興即

爲家

其一

國論占賢傑雲鴻日漸多那知丹檻客又向碧山
阿吾道誰朋好天心豈薜蘿撥衰思會面來去定
如何

其三

早日公車至投詩比玉盤金門三賦就彩筆萬人
看經學傳家久雄文遇主難年來熊館獵枚馬簇
廻鑾

其四

日有封章入 朝廷報可頻
安危乎大計 饑溺問
斯人汲黯言 真慙蕭何律
正新頗聞諸法吏 感動
亦沾巾

其五

玉樹凌雲日掄才 出瑣闥羣空
龍友至天濶 鳳雛
飛報國文章重 如君父子
稀臨軒親賞接 纁帛一
光輝

其六

愛景南陔罷能歸歡較長江魚經雪躍彩服自天
香感事少停箸全身非括囊更憐花萼竝雲壑恣

徜徉

爲子
問也

其七

邠堠軍麾發鳴笳擁客船朱旗何爛熳碧水自潺
湲大木漸烽息汝曹行晝眠向來論激切實望止
戈鋌

其八

萬里梅花使高歌惜遠遊心連江樹暗色動嶺猿

秋再到頻樽酒相看又去舟分攜緣底急白盡病
夫頭

石仲生學士招同沈仲連登城西寺閣看西

山積雪

扶醉青山出招尋約肯違淑沙綠岸曲獵騎掠禽
飛塢晃嵐光入春爭凍壑微高車喧九陌步履此
應稀

其二

廢寺仍高閣褰裳仄磴懸勿愁檐角險真對雪山

眠萊甲浮茶綠松雲抱時圓珠林隆萬後指點說
桑田

其三

石氣明斜嶺山形變夕陽蒼林盤棧細白鳥劃
長竟日須蠲疾衝泥欲裹糧他時成小築鐘磬
吾狂

其四

竝馬嚴城逼昏鴉接翅回寺門當老樹野興續殘
杯火繞長壕出冰臨古井開早知幽賞愜叢桂客

能來

譙子爾立招同諸君集寓樓分春歸二韻

大道青驄騎高樓白袷人遣愁惟濁酒過眼已殘
春幌卷飛花急杯香引蝶頻未須調錦瑟吾鬢早
如銀

其二

登臨高興發每愛謝立暉賓客來江左風塵避布
衣柳濃迴鴈盡沙暖乳鶯飛安得借丹壑雙相選
勝歸

初夏吳江公齋中藤花大開招同諸子讌集
爛熳霞天合繁香拂酒深賓朋文舉坐丘壑謝公
心萬事花經眼餘生醉入林紫絲圍錦燭遮莫晚
風侵

其二

舊日蒼藤地蜂悄豔蘂多

往居龍松館
藤花甚盛

歸憐巢燕

改巷喜隔花過不夜垂瓔珞殘春駐薜蘿太平公
手致簫鼓任婆娑

送王農山侍御歸養和朱蒿菴韻

定山堂詩集

五言古詩

卷十二

屈指春明外鴻冥又一人天心三匝樹時事五湖
尊酒罷青驪動香凝綵服新江魚風日美寰海此
垂綸

其二

分手梅花節日邊驄馬開雲颿爭北指秋隼重西
臺閭闔飛書滿水霜攬轡來神京騰飽後烟水白
鷗催

其三

介子雖辭祿中朝論自明何人堪上坐此客夫壽

城淹寒誠吾道攀留亦世情不如歸計好高枕晚
潮鳴

其四

雲間聯玉珮不厭翟公門捉塵林鶯出傾壺樞馬
喧寒心風雨地促膝友朋恩何日玄黃息龍潛羨
邴原

其五

尚記張羅意卑栖怒未闌行歌聞匪虎鍛翮悔名
鷺獨告刊章急無嫌部黨看當時知己淚一一灑

纓冠

其六

青雲羣態見黃髮幾人歸
阪仄沙堤軸風搖朔塞
衣投簪真福澤望岫已翻飛
容膝乾坤大何論子
舍依

其七

一舟輕似葉江水玉壺寒
早信埋輪日長甘脫粟
餐詩增巾篋重貧減道途
難歸到圖書徑蕭蕭竹
幾竿

其八

勇退中吳客，名山星聚秋。
烟霞開綠嶼，絲竹隱朱樓。
命世機雲業，同心李郭舟。
東山煩寄訊，吾夢久盟鷗。

其九

聖朝隆孝治，計日遂瞻雲。
湖海身初遠，君親事不分。
鯉庭雙鶴髮，驥子五花文。
家訓堪酬國，門盈羔雁羣。

其十

栖鳥猶列柏檣燕自風花一臥名逾盛三公樂未
涯南天杼軸竭西極戰旗斜且袖爲霖手晨葩進
潔華

南士再蒙覆授 恩允與試南宮爲何次德
諸君喜而紀事

九陌歡呼動三年辟舉成網纒寬吏議家不累書
生天意迴魔放公車補鹿鳴龍池新柳色騰踏玉
颺輕

其二

但祝風雷霽何期雨露偏
聖朝原愛士才子果
逢年路快孤寒闢名經百鍊堅
連宵涼月下老友
竟安眠

其三

高堂兼令弟日日問京華
屈賈文終達弓旌事已
賒過時收白璧送客慘黃沙
浩蕩風烟外登樓緩
憶家

其四

鄭重臨軒屢倉皇投匭深
飲章名士運持法大臣

心彩筆懸交戟青雲起上林莫辭身許國 天子
是知音

過訪周茂三不值

安得北山北藤蘿互蔽虧都無伏日苦長與幽人
期松露下衣濕竹風開戶遲踟躕君不見且拂塵
中翳

其二

相望一以久參差三晉行依人得劇孟縱酒歌劉
生風俗幽并古亂離鄉土輕經過且亭月別緒應

縱橫

其三

韓郎疲執戟先我能將迎佳句昔傳誦秋色何崢嶸
嶸人情一說劍熱客方沸鑄幾時夢舫暇攜手涼
天行

雨後聖秋約至慈仁寺同次德夜集

薄醉仍高屐僧寮二仲停野雲穿樹濕山雨洗霞
青暑退如蠲病杯深欲下星松風隔朝市或許嬾
夫聽

定山堂詩集

五言律詩

卷十一

其二

卜晝長松下今來又暮鐘酒能呼素月興肯負蒼
龍林色迴虛牖苔痕入亂蛩夜涼塵事息物外一
從容

魏石生總憲枉過小齋有作賦答三首

傲居如廡下老樹倚簷楹白日此高臥涼秋昨漸
生鳥驚鶻唱散門對翠微明颯颯臺霜外林花正
笑迎

其二

廣厦欣鄰接幽棲安數楹奏書勞魏相執轡到侯
生國論先寬大人才幾晦明杞天紆促膝安敢廢
將迎

其三

不材甘散木無意較莛楹雲物三台麗鄉心萬里
生潮空喧北固烽早息昆明餘芘霑調鼎扁舟白
鷺迎

偶感和吳園次韻

城闕秋笳動江關殺氣連孫恩新戰壘楊僕舊戈

船六詒迴征騎三河募少年龍驤飛艦下早晚慰
甘泉

其二

五夜銅龍啓軍書 御榻時宵衣天自警鼎食爾
應知跋浪行將遁麾軍進勿遲江東諸父老辛苦
望旌旗

送陳子壽自中州返虞山和張司空韻

木脫桑乾早吳山此路歸試登嵩嶽望可有戰雲
飛油幕夜呼酒中原秋搗衣抽毫賓主暇簾閣正

清暉

其二

共醉花朝月秋花汝又歸軍城寒角動沙騎晚螢
飛朋舊稀京國兵戈羨布衣幾騎江閣上澄練對
玄暉

寄題閻再彭眷西草堂

開徑榛苓外乾坤此眷西美人來獨寤浮世得深
栖落日聞吹角看雲穩杖藜倘懷王粲井一雁太

行低

再彭自
晉徙淮

其二

記汎長淮舸琴樽問草堂幽居私素月岐路飽烟
霜別後無青鬢秋來有醉鄉幅巾投老地準擬傍
柴桑

和吳玉駟給諫九日慈仁二韻

蒼蒼松下路高閣倚斜陽月散青蟲語天低白露
光江州誰送酒栗里自聞香戍柝容歌嘯秋風似
故鄉

其二

毘盧連歲興把臂老猶登殘夜應呼燭窮交幾販
綃檐迴鐘後鴿霜急塞前鷹悵望西山色烟光疊
晚層

和許有介破被詩

攜到秋衾淚西風已判年如麻愁急雨將線補寒
天定少奇溫入翻因惡踏堅乾坤偏此地幾客短
屏眠

其二

萬事餘高枕何須臥紫綃心安敗絮擁足礙客星

驕斜月殘更亂啼烏酒力消袁安圖書裏添取雪中蕉

又和櫟園

竟伴王調械謀身豈不周寒同官錦覆詐洗惡賓羞坦腹拋殘卷低鬟夢隔秋莫教零亂甚片片落沙鷗

其二

不盡纏綿意吾盟尙可要窗燈寒更焰瓶菊老難嬌曉角愁橫吹水絃折凍條離披還自捲憶得美

人焦